

適園叢書

張宗祥



通國書舍



張氏藏

簡莊疏記卷九

海寧陳鱣撰

禮記

曲禮云若夫注言若欲爲丈夫也春秋傳曰是謂我非夫釋  
文夫方于反按夫讀如字若夫者與上賢者及下文是以  
君子是故聖人句法同引春秋傳者宣十二年先穀曰聞  
敵強而退非夫也又哀十一年武叔曰是謂我不成丈夫  
也二傳合并舉之蓋丈夫固有單稱夫也後儒以若夫二  
字作虛字解

劉原父云若夫坐如尸立如齊乃大戴記曾子事父母篇之  
辭若夫二字失予刪去鱣謂二戴之文各有所當小戴亦

不至失刪且鄭君豈不知之而爲是注乎

嬰母能言不離飛鳥釋文嬰本或作鸚母本或作鵪同音武  
諸葛恪茂后反按吳志諸葛恪傳引江表傳云恪曰鳥名  
鸚母未必有對試使輔吳復求鸚父恪未嘗作禮記音陸  
蓋本此事以擬其音也說文云鸚鸚鵡能言鳥也鵪鸚鵡  
也北戶錄云字林鵪作鵪玉篇云鵪同鵪唐書狄仁傑傳  
云鵪者陛下之姓起二子則兩翼振矣則其字从俗作鵪  
矣

猩猩能言不離禽獸釋文禽獸盧本作走獸按盧本是也此  
與上飛鳥對言宜作走獸淮南汜論注引此文作走獸孟  
子云麒麟之於走獸鳳皇之於飛鳥亦曰走獸與飛鳥對

言也

乘安車注安車坐乘若今小車也疏引庾氏云漢世駕一馬而坐乘也又引熊氏云書傳略說云致仕者以朝乘車輜輪按一切經音義引聲類云軒安車也蓋古者乘車皆立婦人不立乘外惟大夫致仕乘安車不立左氏閔二年傳云歸夫人魚軒哀十五年傳云服冕乘軒皆謂安車不立乘也

從於先生注先生老人教學者疏引崔靈恩云凡言先生謂年德俱高又教道于物者按孟子離婁篇云樂正子曰先生何爲出此言也趙注學士年長謂之先生韓詩外傳云古謂之道者曰先生何也猶言先醒也不聞道術之人則

冥于得失眊眊乎其猶醉也故世有先生者有後生者今  
俾教學先生蓋本經訓歟

奉席如橋衡注橫奉之令左昂右低如有首尾然橋井上棹  
棹衡上低昂疏席頭令左昂右低如橋之衡衡橫也按公  
倉禮云莞席尋卷自末注末終也終則尾也此舒席時之  
首尾至于奉席時則席已卷而橫奉之略分低昂如橋之  
衡故注云如有首尾然陳澧集說云橋高也衡平也竟不  
分低昂矣

獻米者操量鼓注量鼓量器名疏引隱義云東海樂浪人呼  
容十二石者爲鼓以量米左氏昭二十九年傳云遂賦晉  
國一鼓鐵疏引服虔云鼓量名也按說文云科程也从禾

从斗斗者量也此疑鼓科聲近假借近遇朝鮮使臣云彼國至今呼量米爲鼓廣雅云斛謂之鼓管子樞言云金鼓滿則人概之

介者不拜爲其拜而夔拜注夔則失容節夔猶詐也釋文夔盧本作蹲按夔疑作趯說文云趯走意言著鎧而拜盧作拜容實失儀節故云猶詐也盧作蹲者何注公羊僖三十三年傳云介冑不拜爲其拜如蹲正與盧本合說文云蹲猶踞也釋文引字林云踞古蹲字則本或作夔轉誤爲夔未可知也

立視五雋注雋猶規也謂轉輪之度雋或爲樂疏知雋爲規者以雋規聲相近故爲規規是圓故讀从規按雋規同聲

假借通用故子嚮鳥亦作子規或作樂亦假借也車輪一周爲規一規爲一丈九尺八寸五規爲九丈九尺六尺爲步蓋視車前十六步半也

大夫曰孺人注孺之言屬按釋言云孺屬也韓非八姦云一曰在同牀何爲同牀曰貴夫人愛孺人文選問居賦云左對孺人右抱穉子古無論職官大小其妻通謂之孺人宋宣和時罷縣君改孺人爲第八等而世俗相承不改明邱濬家禮儀節云無官者妣稱某氏夫人不知曲禮諸侯曰夫人其僭越古禮已甚明制一二品方得封夫人則僭越今制尤甚所不解也

醫不三世不服其藥注慎物齊也疏慎物調齊也又說云三

世者一曰黃帝針灸二曰神農本艸三曰素女脈訣又云  
夫子脈訣按天官疾醫云以五藥養其病注五藥艸木蟲  
石穀也其治合之齊則存乎神農子儀之術云是禮記注  
慎物齊者猶言治合之齊指針灸本艸脈訣諸書而言孔  
疏既引舊說復云非鄭義過矣漢藝文志云黃帝內經十  
八卷外經三十九卷神農黃帝食禁七卷周禮疏引作食  
藥卽本艸也

婦人之摯棋注棋枳也有實今邳邳之東食之疏棋卽今之  
白石李也形如珊瑚味甜美按說文云楸檟楸也从禾从  
又句聲又者从丑省一曰木名是楸爲正字隸俗作棋古  
今注云枳棋子實形拳曲花在實外味甜美如餛蜜一名

白石一名白實一名枳棋

檀弓云華而睨注說者以睨爲刮節目字或爲刮釋文睨明貌孫炎云睨漆也按睨疑坳之誤說文云坳目漆和灰而暴也从土完聲一曰補坳此與孫叔然訓爲漆正合鄭注說者以坳爲刮節目蓋暴物必刮去其木之節目然後施以華采故云牀第華而坳也作刮者亦言其刮摩之光耳子蒲卒哭者呼滅注滅蓋子蒲名按滅爲莫之假借說文云莫火不明也从苜从火苜亦聲周書曰布重莫席織蕝席也讀與蔑同今書顧命云敷重蔑席釋文引馬云蔑織蕝蓋莫爲織蕝蕝卽蒲艸初生故字子蒲莫讀與蔑同故書假借作蔑此又假滅爲莫鄭然明名蔑亦假蔑爲莫莫與

明義相對肅不知古人假用同聲之理乃猥曰人少名滅者是奚說哉惟哭呼其名故子皋曰爲野若自謂亾滅斯哭者之常耳

子顯以致命于穆公注使者公子繫也盧氏云古者名字相配顯當作韞按後漢紀云盧植字子幹涿人也師事扶風馬融與北海鄭元友善此引盧氏說卽其所著禮記解詁也說文云輦著掖鞵也从革顯聲公子繫字子輦者繫爲絆馬輦爲馬腹帶所謂名字相配也輦从顯聲故假借作

顯今書作𢀩者又𢀩之俗體也

般爾以人之母嘗巧則豈不得以注以已字言雖有強使女者與僭於禮有似作機巧非也以與已字本同疏言經中以用之以義是休已之字所以用之以得爲休已之字以其本同謂古昔之本用字本同乃得通用謂其兩字本皆是同故得假借而用後世始以已義異也按訓爲用也之字本作𠄎从反已後世或假象也之𠄎爲之而又易其左右如李斯書繹山碑作𠄎隸變爲以故鄭注以已字謂當作已蓋隸書已字有作以者故云以與已字本同疏說殊未明暢詳詩疏記

公叔禺人遇負杖入保者息注禺人昭公之子春秋傳曰公

叔務人按左氏昭二十五年傳云公若獻弓於公爲杜注  
公爲昭公子務人哀十一年傳云公叔務人注務人公爲  
昭公子是務人卽禺人字爲說文云禺母猴屬爲母猴也  
名字相配禺務聲近假借耳

工尹商陽與陳棄疾追吳師注工尹楚官名棄疾楚公子棄  
疾也以魯昭八年帥師滅陳因縣之楚人善之因號焉至  
十二年楚子狩于州來使蕩侯潘子司馬督囂尹午陵尹  
喜圍徐以懼吳於是有吳師陳或作陵楚人聲按工尹商  
陽疑卽左傳之工尹路商爲禡之假字說文禡道祭蓋名  
商陽字路也陳棄疾疑卽左傳之陵尹喜蓋名棄疾字喜  
也梁曜北疑以棄疾恐非楚公子棄疾以棄疾是時居蔡

簡齊政言卷九  
不在軍中也。鱸謂居蔡何不可在軍中不當以此規鄭也。  
使子路問之。按唐石經作子貢與家語史記孔子世家論衡  
遭虎篇俱合當據正之。

范則冠而蟬有綏注范蜂也。按內則云爵鶚蜩范注亦云范  
蜂也。范爲萬之假借。說文云萬蟲也。从苒象形。蓋蜂聚千  
萬成羣。故假爲數名。廣雅云蜚蜂也。俗字。

假于鬼神時日卜筮以疑眾。殺注今時持喪葬築蓋嫁取卜  
數文書使民倍禮違制。按論衡辨崇篇云起功移徙祭祀  
喪葬行作入官嫁娶不擇吉日不避歲月觸見逢神則發  
病生禍。蓋此卽疑眾之說。王制之所禁也。

有虞氏皇而祭。注皇冕屬也。畫羽飾焉。釋文翌音皇。本又作

皇按釋文本作翌說文云翌呂羽翳自翳其首呂祀星辰也  
从羽王聲讀若皇地官舞師云教皇舞注鄭司農云皇  
舞蒙羽舞書或爲翌或爲義立謂皇析五采羽爲之春官  
樂師云有皇舞注故書皇作翌鄭司農云翌舞者以羽冒  
覆頭上衣飾翡翠之羽翌讀爲皇書亦或爲皇立謂皇雜  
五采羽如鳳皇色持以舞是先鄭從故書作翌與說文合  
此言皇而祭亦是雜五采羽爲冕故注云畫羽飾字當作  
翌

君子耆老不徒行庶人耆老不徒食注徒空也按說文云徒  
步行也从彳土聲一切經音義引聲類云徒空也易賁初  
六云舍車而徒集解虞翻曰徒步行也今本注疏作黨也

非

月令云鴻雁來注雁自南方來將北反其居今月令鴻皆爲  
候疏月令出有先後入禮記者爲古不入禮記者爲今則  
呂氏春秋是也按呂氏孟春紀云候雁北高注候時之雁  
從彭蠡來北過至北極之沙漠也盧學士云仲秋雁自北  
徼外而入中國可以言來若自南往北非由南徼外也倡  
不可以言來呂氏作候雁北當矣鱣謂夏小正云雁北鄉  
傳先言雁而後言鄉者何也見雁而後數其鄉也鄉者何  
也鄉其居也雁以北方爲居何以謂之爲居生且長焉耳  
今月令正與之合

宿離不貸注離讀如儷偶之儷宿儷謂其屬按讀如者擬其

聲也然古亦通用士冠禮云束帛儷皮注儷皮兩鹿皮也  
古文儷爲離蓋儷卽麗之或體說文云麗旅行也鹿之性  
見食急則必旅行从鹿丽聲易離彖傳云離麗也序卦傳  
云離者麗也正作麗

掩骼埋胔注謂死氣逆生也骨枯曰骼肉腐曰胔釋文胔亦  
作𦍋按說文云𦍋鳥獸殘骨曰𦍋𦍋可惡也从骨此聲明  
堂月令曰掩骼薶𦍋𦍋或从肉是𦍋爲正字胔爲或體呂  
氏孟春紀作揜骼薶𦍋高注𦍋讀水漬物之漬玉篇引聲  
類云𦍋此亦薶字

天子乃鮮羔開冰注鮮當爲獻聲之誤也獻羔謂祭司寒也  
按呂氏仲春紀作獻羔詩七月云獻羔祭韭左氏昭四年